

– Zhi kana ka keras buti te phraleske, roma?

Avdives chuka, tasya chuka – lel pes o tsikno phral ekh drom, ta pash pe po-bare phrales. Phel leske:

– Shun akana, so mangava tutar? Mangava te mukas amen, phrala. Sekon te kerel peske buti.

O baro phral nashti te holyanel pe praleske, vakerzhas leske:

– Lacheya prala, kay chuka tumen mangen, chukka keren. Zhanesa kate, so isi amen. Le so mangesa, le o po-shukar bukya tuke, po-shukar phuv, alindzha. Isi amen duy kata guruva, le kola mangesa tuke i ker so mangesa thay so zhanesa. O Del tusa te ovel.

O tsikno phral lilyas e nay-shukar bukya i pe romnyasa lile te keren buti peske. Thovde giv ki phuv i hrandena la. Nakle vakwti – ko tsikno phal, kana lile te khiden o giv, ov sine duy palamarya upral ko phuv, a ko baro – chak zhi ko mashkaripe.

Chudindepes o tsikno pral, soske ulo zomka tsikno leskoro giv, ama gele pe romnyasa te khiden les. Sar gele ko alindzh dikhle kay ko praleskoro alindzh ulo ekh arapis – manush, kate khidela, kerela yardami ko baro phral.

Lela o hurdo, tsidela les katar bala i vakerela leske:

– Soske khidesa me phraleskoro giv, pala mange na keres yardami?

O arapi pale vakerela leske:

– Me si nyom o kasmeti te praleskoro, chuka te zhanes! Avav te kerav leske yardami. A tu pale, ako mangesa te kerel pes li tuke yardami, zha upre. Ka phires rat thay dives, ka dikhes ekh tsikno kheroro, othe beshela ekh phuro manush parne balentsa thay parne chhorasa. Kana ka ereses othe, nanay te marmines leske, zhi kate ov na phuchel tut.

Tsidindzhas o hurdo pral, ereslas othe, araklas so rodelas i dikhlas e phures.

O chhavo akana gelo pash ko phuro, ama nishto na akerdzhas lesa. Ulo obed, ta o phuro gostindzhas les leshtasa. Aryatyake chhordyas anglal leste bobos. Pele peske, sute. Ko duyto dives o phuro thovzhas ki masa sa shukar habe. Kay hale chak akana phuchlyas les, soske alo pash leste.

– Alom te des mange kasteti.

Lachhes, ama o phuro phendzhas leske:

– Kobor dives si nyan pash mande, mochho?

– Duy dives, baba.

O phuro pale phenel akana.